

Mokanda nwa ntubo nwaakomaka Petelo Maphoo ma etatele

Petelo abaka o Loma, imbele sakomela yo baanosi ba nkyisi nsuu baokaka Simo Elaa na bato basuu. Baanosi baikye onte ya bee bautaka o nkyisi nsuu. Bee tebabaka Bayuda obo pha ya ikoma baklisto. Petelo abaka kalukye ibalenza pho bato bate baefe Nwaphongo babaka babanyokolo.

Petelo kakumole Nwaphongo pho ya bolaa pha bombela yo baanosi. Nabo baokye pasi, ebongyi nde obokye bakangane na Klisto. Bo wakyela Klisto (2.21-24), waloteya maphoo masengyesi moto na moto ibenga, ebee bankumu ba Ingomba na ebee banzenga.

Baanosi basengyesi iphila ianola sa bee nabo baokye pasi. Bo bakyesi babona, bamoba bakumole bitoma binene ba Nwaphongo (2.9). Emba bate bali baanosi, waamowene bee «bitoma ba bee biilaa, bamokumola Nwaphongo mokolo nwamiweninya yo na be» (2.12).

Maphoo mali o mokanda mumu:

- 1 Petelo 1.1-2: Maphoo ma etatele
- 1 Petelo 1.3-12: Ibika pho ya ianola
- 1 Petelo 1.13-2.10: Ibaa na bomoo pha mosantu
- 1 Petelo 2.11-4.19: Ephesi ya moanosi imbele sa mpasi

- 1 Petelo 5.1-11: Ikyelela Nwaphongo
- 1 Petelo 5.12-14: Ndongolo

Ibeya

¹ Nga Petelo, toma wa Yesu Klisto, naekomele b̄εε baolo bε, baakyeminyangwa, baali babutu, o nkyisi ya basuu, o P̄ontis, o Galati, o Kapadose, o Azi na o Bitini. ² Tata Nwaphongo aunva eyolo phanza kokokana na bowenekye phe, na nzela ya Bolob̄o Bosantu aebuya basantu, pho ya itosa Yesu Klisto na obokye okunyalame na malongo me. Le obokye ngolu na bose inukane oka bε.*

Molemo moambya bom̄o

³ Tokumole Nwaphongo, Ango wa Nkolo wa banga Yesu Klisto. Na ngongo ye enene, akula lobota na nzela ya ikundwa sa Yesu Klisto onte ya bawe pho ya molemo moambya bom̄o, ⁴ na pho ya ilaka siitesiot̄o, siitesili na sokoto, siitesikotwe, saabongya b̄εε o ikolo pho ya b̄εε. ⁵ Bεε, mwiya n̄wa Nwaphongo moebanza na nzela ya ianola pho ya ibikiyi siili phenephe na imiweninya o imbele sa suka.

⁶ Bεε ba na nkyisa, na bo ebe obokye, unwanwa eye konyokom̄o na bimekyi ndengye na ndengye pho ya n̄wana imbele mokuwe, ⁷ itela mpenza okoot̄o, bamokunyole na n̄wenya, nde bom̄o me ianola sa bε, siili na motiya koleka itela, simekame pho ya iteya bo sili saa phele. Na bom̄o wamozwa ikumo, nkyem̄o na ngambo imbele saamiweninya Yesu Klisto. ⁸ Yo, okozingye b̄εε nabo naino tomoweni,

* 1:2 1.2 Ietanza

okoanole b̀̀e naino samowene. Kumba na nkyisa yaa nkyemo iteikokyi b̀̀e iwoo, ⁹ pho ozwe mbano ya ianola sa b̀̀e: Lobiko sa mikali ma b̀̀e.

¹⁰ Baimosi balukaka, baambaka na kyemituna pho iyeba lowoo lokyeki lobiko me, emba baimolaka na pho ya ngolu eya eyokya b̀̀e.

¹¹ Na nzela ya Bolobo pha Klisto phabaka onte ya b̀̀e, baimosi baluka iyeba imbele iye na ndengye'ye maphoo mateyaka Bolobo phanza pho ya minyoko ma Klisto na nkyemo yaambaka ya mobenga yamokokiyisama. ¹² Babaweninyaka obokye maphoo me temabaka pho ya b̀̀e mampenza, kasi pho ya b̀̀e. Emba uhwawha eye bateye ba Simo Elaa baeyimola maphoo me, b̀̀e baawoko na mwiya nwa Bolobo Bosantu phaa batomoleka b̀̀e uta o ikolo, emba banze na b̀̀e mampenza balukye obokye bamaebe.

Mobesi nwa bosantu

¹³ Yango mena, omibongya pho ya isoolo, ingola miyo ma b̀̀e, kyela molemo munso onte ya ngolu eyamoeyelela na nzela ya imiweninya sa Yesu Klisto. ¹⁴ Ya bana ba botosi, sabenga maphowa maabe ma b̀̀e maa phanza, ma imbele sabaka b̀̀e o ibunga. ¹⁵ Kasi, booli owa ebanga mosantu, na b̀̀e obutwe basantu o mobesi nwa b̀̀e mobimba, ¹⁶ pho bakoma obokye: «Ba basantu, pho nga nali mosantu.»

¹⁷ Emba bo kobangye Tata, iyo otooli na mbelekya, yo okosambisa moto na moto nde na bitoma b̀̀e, nde komizile imbele siso sitaaba b̀̀e o mokyisi. ¹⁸ Koebe obokye tefaike eyikola

o mobesi moobe ηwazwa b̄εε na ba ongo ba b̄εε na mbolo ikyiɔtɔnɔ booli ba phalanga na itela, ¹⁹ kasi na malongo ma motiya ma Klisto ndokolo ηwana wa mpate otoli na mooya na ná intɔnɔ.† ²⁰ Mena mokyisi sataa kyelama, amoolo. Uηwanjwa eye o imbεε sa suka sisi, Nwaphongo amoweninye phɔ ya b̄εε. ²¹ Na nzela ye, b̄εε koanole Nwaphongo owa mokundola onte ya bawe na owa mophe nkyemɔ, phɔ ya obokye ianola sa b̄εε na molemo ηwa b̄εε ibe oka Nwaphongo.

²² Bookunyosi b̄εε mikali ma b̄εε na itosa maphɔɔ phele phɔ ya lozingo la phele la bana ba Nwaphongo, na ndondo elaa zingana na boikye onte ya b̄εε. ²³ Phɔ bakula ebota mbala eya ibale, teli na mumboto moɔtɔnɔ, kasi motemoɔtɔnɔ na nzela ya iloɓa sa Nwaphongo sili na bomɔɔ na sili phɔ ya bobεε na bobεε. ²⁴ Phɔ moto munso ali ndokolo munkata, emba nkyemɔ ye iili ndokolo phulele ya munkata, bo munkata muungyi, phulele ya ηwango kyeka. ²⁵ Kasi maphɔɔ maawɔ Nkolo mali phɔ ya bobεε. Maphɔɔ mε, eli Simo Elaa eya eyimola bε.

2

Nwaphongo aeɔlɔ phɔ obe bato bε

¹ Yango mena, le kabu esɔ na malondo masɔ maabe, nzitako na imengyela na iwɔle nwebi na bofe. ² Bokozingye bana bautami ibotama maɔku matemali na sokɔtɔ, na b̄εε zinga maɔku ma iloɓa, phɔ na mango, wamokola phɔ ya

† **1:19** 1.19 Kyeka na o 2 Petelo 3.10, 14

lobiko. ³ Pho wameka ndengye'ye eli Nkolo, wamowene molaa.

Ikonzi sa etoma ya Ingomba

⁴ Susana ooli yo, ifanga sa bomoo, saavaka bato kasi saalomo, simbi na baa na motiya oka Nwaphongo.* ⁵ Bèe mampenza, ndokolo mabanga ma bomoo ma Nwaphongo, ominyosa pho ya itonga ingambi sa Bolobo, pho ya bonganga bosantu, pho ya iambya mambeka ma bolobo oka Nwaphongo, maamosepelisa na nzela ya Yesu Klisto. ⁶ Yango mena, o buku pha Nwaphongo tozwe obokye: «Kyeka, nateye ntondo yonyo ya moloo eya eolonga na eya motiya o Siyona, emba owamiabya mi yango etazwe soo.»

⁷ Yango mena, ngambo eli pho ya bèe baanosi. Kasi pho bato bate bali na ianola, eli nde ikonzi savaka batongyi ba mangambi sibuto ntondo ya moloo, ⁸ emba simbi na kula baa ikonzi sibakyitinya bato na ikonzi siambya soo. Bazume mi sango pho tebaanole llofa. Emba pho ya bèe wamekamaka nde babona. ⁹ Kasi bèe, oli ibota saolo be, bosoo pha banganga ba mokonzi, mokyisi mosantu, bato baakpa Nwaphongo, pho ya obokye oimole bitoma binene ba owaebanga obokye omane o enzombi, otokolo o saa ye elaa. ¹⁰ Bèe batebaikaka ba phanza bato be, unwanwa eye obuto bato ba Nwaphongo. Bèe batebaikaka oka bèe ngongo, kasi unwanwa eye baeyokyesi ngongo.

* **2:4** 2.4 Ifanga sa bomoo eli ndokolo ntondo ekyephile ingambi siso.

Basali ba Nwaphongo

¹¹ Bande baa lozingo, naelenza b̄ēe baakye kaa bo kaa na babutu o nkyisi ya basuu, obokye ole maphowa maabe ma nzoto, mango maanjwane ebasi na Mokali. ¹² Ba na mobesi molaa onte ya bapakano, pho na bo baekatesi b̄ōōe obokye olii bato babe, waamowene b̄ēe bitoma ba b̄ēe bilaa, bakumole Nwaphongo mokolo nwaa moya yo.

¹³ Pho ya Nkolo, omiuya oboo pha makonzi maso ma mokyisi. Ebe mokonzi oomunene okolekye baayoko, ¹⁴ ebe bakambi, baatome yo pho ya iphe bato bakyele bofe etumbu naa pho ya isamba baakyele bolaa. ¹⁵ Pho phowa ya Nwaphongo eli baabona obokye baakyele bolaa bakangye noko ya bibubusi baatebaebe ekpele. ¹⁶ Ba ya masomi. Saamba nde mibomba o bosomi pha bee pho ya ikyelaka bofe. Kasi kyela bo ya basali ba Nwaphongo. ¹⁷ Kumola bato baso, zinga bebi nawe baanosi, kaya Nwaphongo, kumola mokonzi.

Basali na bankolo ba be

¹⁸ B̄ēe basali bakyele o mangambi, omiuya oka bankolo ba b̄ēe na mokaya munsɔ, yango sabaa nde oka baali bato balaa na baa bose, kasi ebe na oka baa bikiyi. ¹⁹ Pho mena eli ngolu obokye oititale, pho ya ikumola Nwaphongo, o minyoko mienyokolo nde na pha. ²⁰ Ngambo ye eya mozwa we bo oititasi waewande b̄ēe bo okesi bofe? Kasi bo okyesi bolaa, bambe kula enyokolo, ombi ititala na iuya moɔ, mena eli ngolu o miyo Nwaphongo. ²¹ Pho baebanga nde pho ya bomɔ, pho na Klisto yo mampenza

anyokomo pho ya b̄εε, aika eteya nzela pho ya obokye obengye matambe m̄ε. ²² Yo otoikakyla isumu, na o munoko nwe tewaika tokolo boole. ²³ Iyo owa tola b̄ε, kasi taika buya eto, o munyoko nwe, taika kanela moto, kasi amiambyaka nde oka okotene bolombe na bosembo. ²⁴ Yo oowa, mi nzoto ye mampenza, anyanyaka masumu ma banga o ekulusu, pho ya obokye, towee na masumu, tombe bika pho ya bosembo. Iyo owaebikya na maphota m̄ε. ²⁵ Pho b̄εε wabaka ndokolo mampate maabunga, kasi unwanwa eye obutolesi mookosi na mokyengyesi wa mikali ma b̄εε.

3

Basi na bampele

¹ Nde bom̄o m̄ε, b̄εε babasi, omiuyakye oka bampele ba b̄εε, pho obokye na bato bakyi bale ianola Iloba, na nzela ya mobesi nwa basi ba b̄ε, sa iloba, babutwe ianola, ² okowene b̄εε mobesi nwa b̄εε molaa na nwa mokaya. ³ Bolangangalake pha b̄εε phango sa ba nde pha ifanda: Itonga suwe, ilata bayaka ba itela, bitobu bilaa. ⁴ Kasi ebe mobesi nwaamibomba o ndondo, bolangangalake bookoko, ndondo ya bonyile na ya bose, eeli na motiya munene o boo pha Nwaphongo. ⁵ Nde bom̄o babona, bo wamibongyaka babasi basantu wa kalakala baabaka na molemo oka Nwaphongo, bamiuyaka oka bampele ba b̄ε, ⁶ ya Sala, owa tosaka Abalayama, abaka kamobangye «nkolo we». B̄εε obuto nde phele bana b̄εε ba babasi, waakyele b̄εε bolaa na sa nwana ibale.

⁷ Bampele nde bomɔ me, zala na basi ba bɛɛ na bolaa na boebakye obokye babasi bali bikyelamo bikɔɔ. Obaphɛkyɛ mokaya, phɔ basengyesi izwa na bɛɛ ilaka sa ngolu ya bomɔɔ, phɔ ya obokye ekpele na yonɔyɔ saba ifaku o mabɔndesi ma bɛɛ.

Inyɔkɔmɔ phɔ ya lowɔ lolaa

⁸ Phɔ ya isukyisa, ba na bookaa, ndondo ya ngɔngɔ, ozingane na lozingo la bana ba ibota sɔnɔsɔ, obe na boboto na na imiuya, ⁹ sabuya bofe phɔ ya bofe, naa etoo phɔ ya etoo. Kasi pambola, phɔ baebanga nde phɔ ya ikyela bomɔ, phɔ ya obokye ozwe na bɛɛ ipambosi. ¹⁰ Phɔ ookozingye iba na bomɔɔ bolaa, na iwene nkɔlɔ indaa, abanza lole lee o bofe na bibaa bɛɛ phɔ ya iba sakata bɔɔle. ¹¹ Ale bofe, akyele bolaa, alukye bose ambe na bobenga. ¹² Phɔ miyo ma Nkolo mali mi bato ba bosembo, na matoo me maokye mabɔndesi ma bɛɛ. Kasi bato bakyele bofe, Nkolo kabakubolele lokukyi.

¹³ Emba yamba ekyela bofe nza, bokomiphe ikyela bolaa? ¹⁴ Kasi boonyɔkɔmi phɔ ya bosembo, oli bato ba nkyisa. Saila iekyele be, samba na mitungyisa. ¹⁵ Kasi ambya mandondo ma bɛɛ oka Klisto, obokye ali Nkolo. Ombe na mibongya nkɔlɔ iso phɔ ya itɔndɔlɔ o boo pha moto munsɔ owa moetuna, iyimola molemo moli onte ya bɛɛ. ¹⁶ Kasi obaumole na bonyile na ná botosi, obe na maumnya malaa o ndondo. Phɔ na bo bakati bɔɔle na nkombo ya be, bazwe sɔɔ phɔ ya mobesi ŋwa bɛɛ molaa onte ya Klisto. ¹⁷ Phɔ eli bolaa obokye onyɔkɔmɔ phɔ kokyele

bolaa, bo mena eli phowa ya Nwaphongo, na obokye onyokomō pho kokyele bofe.

¹⁸ Pho Klisto yo mampenza anyokomō pho ya masumu mbala yonoyo pho ya bobele, iyo moto molaa pho ya bato babe, pho ya obokye akye na bée oka Nwaphongo. Bamoboma o nzoto, kasi Bolobo pha Nwaphongo phakula mobuya na bomoo. ¹⁹ Yango mena amba na kye teya mikali maakangyema o boloko, ²⁰ oka baalekye ianola kalakala, waba Nwaphongo kataakanga motema, mi nkolo yabaka Nowa kataatonga masuwa, manyoloko nde ndambo ya bato, kyelukye iwō: Bato njwambi mabikaka sa waa na maa. ²¹ Maa me mafaka elembo ya batisimo ekyebikya unwanwa eye, batisimo etebokunyole mbindo ya nzoto, kasi eli imiambya oka Nwaphongo na maumunya malaa o ndondo na nzela ya ikundwama sa Yesu Klisto, ²² iyo, owa kyende o ikolo, ooli o eboko ya boloo eya Nwaphongo, baanzelu, bakonzi na siya iso bamiuya oka yee.

4

Mobesi moonyakune

¹ Yango mena, pho Klisto anyokomō o nzoto, na bée me, ba nde na maumunya ndengye me, pho moto owa nyokomō o nzoto asukya isumu, ² pho ya ibika mi nkolo itaaba we o mokyisi, sa bika na maphowa maanzoto, kasi obikye kokana na bookozingye Nwaphongo. ³ Pho imbele siilekaa, olobi kokya na boikye, phowa ya bapakanano na imiambya o mobesi mofe, o

imengyela, o malanga, o ngaanga, o mabusi na ikumisa bikyeko. ⁴ Bakamwe pho bawene obokye b̄e tokuli kilingana na b̄e o mobesi mobe mote mokuya na b̄e, emba bambe etola. ⁵ Bamokye tondolo oka owa mibongya pho ya isambisa bali na bomoo na baawa. ⁶ Yango mena, Simo Elaa baeyimolaka na oka baawa, pho ya obokye o sima ya ibasambisa ndokolo bato o bonzoto, na nzela ya Bolobo, babikye bookonzingye Nwaphongo.

Mobesi nwa baanosi onte ya b̄e

⁷ Mbomela ya maphoo maso eli phenephe. Yango mena, ba na malondo na ná imizila pho ya ibondela. ⁸ O boo pha maphoo maso, zingana na bokusi onte ya b̄e na lozingo la Nwaphongo, pho lozingo kazibe boikye pha masumu.

⁹ Yambanaka onte ya b̄e, sank a eya ikyemingungubana. ¹⁰ Moto na moto akyelele ikabo sazwa yo oka Nwaphongo o etoma pho ya bolaa pha b̄ebi, na bomoo, wamoba baangyesi balaa ba ngolu ya Nwaphongo eya kyemikabana. ¹¹ Bo moto ali na ikabo sa iwoo, aimole maphoo ma Nwaphongo. Bo moto ali na ikabo sa ikyelela b̄ebi, asikyelele nde na bokusi phaamophe Nwaphongo, pho na nzela ya Yesu Klisto, Nwaphongo azwe nkyemo iso, pho nkyemo na mwiya ili o maboko me pho ya bipha na bipha. Ame!

Minyoko pho ya ibaa moklisto

¹² Bande baa lozingo, b̄e sakamwa bo oli onte ya nwenya nwa bimekyi, ndokolo kyeyelele

lowo lonolo loonyakune. ¹³ Kasi kumba pho ozwe na b̄e iyalo o minyoko ma Klisto, pho ya obokye otonde na nkyisa nzikye wamowenene nkyemo ye. ¹⁴ Nkyisa ili na b̄e bo baetole pho ya nkombo ya Klisto, pho nkyemo na Bolobo pha Nwaphongo ili mi b̄e. ¹⁵ Moto onte ya b̄e sanyokomo ndokolo mobomi wa bato, naa mwibi, naa mokyese nwa mapho maabe, naa ndokolo moto wa nzangaa. ¹⁶ Kasi bo ebe nde pho ali moklisto, yo saoka so, akumole nde Nwaphongo pho ya nkombo me. ¹⁷ Pho eli imbele sa isambisa, siitate phanza o ingambi sa Nwaphongo. Emba bo sitati na banga mpenza, yamba suka ya bato bale ianola Simo Elaa ya Nwaphongo? ¹⁸ Emba bo moto wa bosembo abikiyi na nkaka, yamba baa bo pho ya moto mobe na owa masumu?

¹⁹ Yango mena, bato banyokomo ikokana na bookozingye Nwaphongo, baikale nde ikyela bolaa bambe na ambya mandondo ma b̄e oka owaakolo Mokyese.

5

Mookosi wa etonga ya Nwaphongo

¹ Emba, nalenza bankumu baali onte ya b̄e. Na nga nali nkumu booli be, nali na nzoka ya minyoko ma Klisto, namozwa iyalo o nkyemo yaamoweninya yo. ² Okolo etonga ya Nwaphongo eya ephe be, oebanza na phowa eso bo kozingye Nwaphongo, kasi na imikandindisa phe, pho ya looto la ezwele phe, kasi pho oli na phowa yaikyelela Nwaphongo. ³ Saluka iwenele

batō baaephē b̄ēē obokye obaokolo, kasi b̄ēē ba nde ndakyisa pho ya etonga. ⁴ Emba waamoya mokonzi n̄wa baokosi ba mampate, wamozwa eboko ya nkyemo etetono.

⁵ Nde bomō, banzenga, omiuya oka bankumu. B̄ēē basō, ba na bomiuyakye o mobesi n̄wa b̄ēē na b̄ebi, pho Nwaphongo kale batō baa lolendo, kasi kaphe ngolu ye oka batō baamiuya.

⁶ Yango mena, omiuya o se ya eboko ya Nwaphongo eya mwiya, pho ya obokye aetombe o imbele saameka yo. ⁷ B̄ēē uya mi yo maumunya maso maetungyisa, pho yo kaezikyele.

⁸ Ba na bokyebi, kyengye. Munguna n̄wa b̄e, Zabulu, kaina kyemizongana ndokolo gbogbo kyebule, kyelukye moto wa ibuta. ⁹ B̄ēē omotemele nguu na iphila ianola sa b̄ēē, na boefakye obokye minyoko miiwene b̄ēē, na b̄ebi na b̄ēē o mokyisi bamiwene me.

¹⁰ Uñwan̄wa ye wamunyakomo pho ya n̄wana imbele mokuwe, emba Nwaphongo owa ngolu eso, owaebanga o nkyemo ye yaa bobele na nzela ya Klisto Yesu, amokula ebongya yo mampenza, amoekuya, amoelenza, amoeteye na bokusi.

¹¹ Bokamba bobee ne pho ya bobele na bobele! Ame.

Ndongolo

¹² Naekomesi n̄wana mokanda mumu na nzela ya Silive, okokpe nga ndokolo owaakolo nwebi, pho ya ielenza na ieyimola obokye ophisi na bokusi nde oeyakolo ngolu ya Nwaphongo.

¹³ Baaolomo baali o Babilone, baelongosi. Ebe na n̄wana wa nga Malako, aelongosi. ¹⁴ Beyinya

onte ya b̄εε na ikoo na ikoo na ná iyambana. Le obokye bose bobee na b̄εε baso baali onte ya Klisto.

Sangola Eenyakune

Lobala: Sangola Eenyakune New Testament

copyright © 2018 Wycliffe Bible Translators, Inc.

Language: (Lobala)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source files dated 29 Jan 2022

45dc5a8e-f513-5ba3-aad6-e48bd1d5b563